



KOMUNIKADO PA PRENSA

Fecha

5 di òktober 2016

Kolaboradó di Maneho

Corinne Leysner

Email

corinne.leysner@gobiernu.cw

RENOBASHON GRANDI DI VIADUKTNAN TA KUMINSA

Willemstad – Minister Suzy Camelia- Römer i Obra Públiko ta anunsiá ku riba djamars dia 12 di òktober 2016 ta kuminsá ku renobashon grandi di viadùkt na Skalo, viadùkt na Ennia, viadùkt bou di Pres. Betancourt Blvd (for di brùg pa bai Waaigat), viadùkt Kortenaerstraat (direkshon Motetwerf), viadùkt Arubastraat (for di brùg pa bai Pater Euwensweg) en viadùkt bou di A.A. de Lannoy-Willems Blvd (for di brùg for di Pater Euwensweg direkshon Punda).

Esaki ta e promé renobashon grandi na e viadùktnan, ku nunka a pasa den renobashon profundo, for di kuminsamentu di añanan 70 ora a traha nan. Obra Públiko ta bai drecha tur viadùktnan na Kòrsou na un manera duradero. E trabounan ta finalisá na fin di febrüari 2017, ku un interupshon naturalmente na final di desèmber i kuminsamentu di yanüari, ora e kompanianan di konstrukshon ta baha ku vakashon di konstrukshon (bouwvak).

Diferente viadùkt na Kòrsou ta mustra di tin dañu, den forma di skernan den betòn, koroshon den e metal i dañu na hèkwèrk. Ta bai kita tur betòn di e murayanan, kolòmnan i e kapa di kaminda, saka e koroshon for di e heru den e betòn i trata e heru ku un produkto di protekshon kontra di frus, pone èkstra heru i betòn speshal i un protekshon kompleto riba e viadùkt kompleto, drecha e trapi di betòn na parti wèst di viadùkt Skalo, pone lampinan ku ta traha ku lusnan LED bou di e viaduktonan, drecha asera di betòn, i drecha i fèrf e baranda di heru.

Akseso na kompanianan i organisashonnan den besindario di e viadùkt ta keda habrí pa públiko. E kontratista Betonbouw BV ta plania e trabounan pa kousa ménos molèster posibel pa tráfiko ni peaton. Betonbouw ta traha ku un supkontratista lokal ku tin eksperensha ku kita betòn i koroshon ku e sistema di 'hydrodemolition' ku ta un sistema ku ta traha ku preshon haltu di awa. Tambe ta traha ku un supkontratista di Ulanda ku tin eksperensha ku renobashon duradero di proyektonan di betòn.